



# KANIXTALÁB

**KA ODHA AN ÚW ABAL KIT OTSITS TI COMISIONES DISTRIALES ELECTORALES ANI COMITÉS MUNICIPALES TI TAMUB 2023-2024.**

**KIT DHUCHAN TI LAJÚJ BÓ' IN AJUMTAL A JUNIO MAJ TI LAJÚJ OX IN A JUMTAL A AGOSTO TI TAMUB 2023**

## INKIDHTALÁB

**Eyaltaláb xi ne'ets ka biyna.** Abal junchik an lajúj bó' i atáj eyaltaláb xi ti láb uchnal ti Comisiones Distritales Electorales (CDE) ani an tsáb inik k'al lajúj waxik i atáj eyaltaláb xi uchnal ti láb Comités Municipales (CME) ne'ets ka biyna:

- **Jún i Ok'lek xi ne'ets kin ok'na an t'ojláb Presidencia.**
- **Jún i atikláb xi ne'ets ka k'wajiy ti Secretaría Técnica Propietaria.**
- **Tsé' i atiklábchik xi ne'ets ka k'wajiy ti Consejerías Ciudadanas Propietarias.**
- **Tsáb i atiklábchik xi ne'ets ka k'wajiy ti Consejerías Ciudadanas Supletes.**
- **Jún i atikláb xi ne'ets ka k'wajiy ti Secretaría Técnica Suplente.**

Ne'ets ka bijyat an eyaltaláb max anits kin biyna in k'ij an bó' i Consejerías Electorales xi in k'al an Consejo General an CEEPAC.

An lajúj bó' atáj eyaltaláb CDE ani an tsáb inik k'al lajúj waxik CME ne'ets kin abatna' maj ju'táj pél in uchbíl, kin ts'ejka patal a xi kin yejenchij k'a'al ka t'ajan an takuxtaláb, kin beldha an t'ojláb ti k'ichaj tam ka t'ajan an takuxtaláb ani kin met'a patal a xi ka wat'ey ti ál nixe' xi takuxtaláb k'al an éyalchik ti 2023-2024 (Proceso Electoral Ordinario 2023-2024)

An atiklábchik xi ka takuyat abal ka jilk'on ti CDE ani ti CME ne'ets ka k'wajiy expidh tam axe' xi CDE ani CME ka t'ojon, junkudh jant'odh in abatnal ti uchbidh káw xi eyendhap xowe' ta k'icháj o jant'odh kin abatna' an Consejo General an CEEPAC.

## YEJENCHIXTALÁB ANI ÚW XI KONOYÁB ABAL KIT OTSITS

- a)** Tampots'ots'lom xi in kwa'al in k'ij abal kin teyna in uchbilábil tin kwentaj an eyaltaláb ani ti al an k'wajilomtaláb, kin ko'oy in k'wajilomtal ti al an kwenchalábchik xi k'wajat ajidh ti Comisiones Distritales; ani ti ok' bichow, max tana' tin odha an úw, ju'táj ti k'wajat an kwentalom an ok' bichow (Comites electorales) o ju'táj ti k'wajat an tamkudh atiklábchik xi ne'ets ka k'wajiy tam ka t'ajan an takuxtaláb (mesas directivas an casilla.)
- b)** Kin chubax ko'oy in k'wajilomtal ti al tampots'ots' ebal tsáb i tamub.
- c)** Kin exla' ti ajum ani ti dhuchum
- d)** Ka k'wajiy dhuchadh ti al an k'elbadh bijláb labtomibchik xi ts'o'max (Registro Federal de Electores), ani kin ko'oy an uchbidh úw k'al in wál xi eyendhab abal ti ts'o'max éyal;
- e)** Kin ko'oy jún i alwa' t'ojláb ju'táj yab jita' in odhnal.
- f)** Yab t'ojnal, yab in ok'namal an Comité Ejecutivo ti Labtom, ti Tampots'ots, ti ok' bichow ti al jún i Tamkudh mulkunélom takul éyal, jayétsj yab dhuchadh o dhuchnenek ti al jún i tamkudh mulkunélom takul éyal ti Tampots'ots' o ti Labtom, maj kin ko'oy ebál óx i tamub tam kin le'na' ka takuyat abal ne'ets ka jilk'on ti éyaltaláb.
- g)** Yab kin ko'oy jún i eyaltaláb ti tamkudh belkaxtaláb, ni yab ka k'wajiy ti pale' ti al jún i tiopan.
- h)** Yab k'wajat ti t'ojnal, ni t'ojnenek ti ál jún i eyaltaláb ju'táj ti takuyat k'al k'wajilomchik, tin taltal an bó' tamub a pidhan axe' xi éyaltaláb; yab dhuchnenek abal ka takuyat ti éyal ti óx i tamub k'a'al ka bijyat, ni max t'ojnal ti atáj eyaltaláb xi ebál in além ti al an Labtom, Tampots'ots' o an ok' bichow, ani jayétsj yab ka k'wajiy ti t'ojnal ti pilchik atáj eyaltaláb xi inkidh k'al an uchbidh káw xi uchab ti láb Organismos descentralizados ani xi uchnal ti órganos autónomos, teje' yab ajidh an Consejo Estatal Electoral ani an Participación Ciudadana.
- i)** Kin ko'oy, lajúj waxik o ebal i tamub ti k'icháj tam ka bijyat ti éyal teje'.
- j)** Yab wik'nenek kom jolbinenek.
- k)** Yab ka k'wajiy t'ok'badh abal kin t'aja' an t'ojláb, an eyaltaláb o jawakits tam t'ojláb ti al an atáj eyaltaláb.
- l)** Yab k'a'al jolbinenek kom in t'aja' jún i odhnaxtaláb ti al an tamkudh kweneláb eyaltaláb.

An úwchik xi an atiklábchik kwal kin biyna abal kin putuw k'al an yejenchixtaláb játs xi tal:

- a)** Úw konowchixtaláb abal ka dhuchan (anexo 1)
- b)** Uchbidh úw xi in kwentaj an wa'tsintaláb, xi a kaldhamal ti atáj eyaltaláb o an k'ot'bintaláb xi léj alwa' tejwa'.
- c)** Uchbidh úw xi eyendhab abal ka takuyat an éyal, ti tsablom in wal, xi in biynal an Dhuchadh Labtomib ti Ts'o'max.
- d)** Úw ju'táj tin ulal an k'wajtaláb xi k'a'alej.
- e)** Jún i dhuchlab ju'táj ti ka olna' jita' játs tatá', a exobintal, ani patal an tójláb axi a t'ajamal (tal ti anexo 2)
- f)** Expidh an exbadh dhuchláb ju'táj ka tejwa'medha an t'ojláb ju'táj tit k'wajínek (anexo 3)
- g)** Dhuchadh úw ju'táj kin uluw abal lej chubax a putuwal k'al patal an yejenchixtaláb xi in ulal ti Ley Electoral ani ti ts'ejkantaláb xi in kwentaj an takuxtaláb k'al an éyal (anexo 4)
- h)** Tsáb i i xeklek dhuchadh ju'táj ka uluw jale' ti a lé' kit takuyat ti ál an t'ojlab ju'táj ta baliyal a uwil. (anexo 5)
- i)** An dhuchláb ju'táj ka uluw abal a biynal a k'ij abal ka eyan tin yanel a exlumnaxtalábil, junkudh jant'odh in ulal an úw xi ti láb uchnal ti aviso de privacidad (xi tal ti anexo 6)
- j)** An uchbidh úw xi in biynal al INE, ju'táj tin ulal abal an atikláb xi in le' ka jilk'on ti axe' xi t'ojláb in putuwal an yejenchixtaláb kom yab k'wajat dhuchadh ti ál jún i tamkudh mulkunélom tákul éyal.
- k)** Max a kwa'al, an uchbidh úw xi in tejwa'medhal abal a exóbna an ebál exobintaláb ani/o an Cédula Profesional.
- l)** Max a kwa'al, an dhuchlabchik xi a kaldhamal, úw ju'táj tin ulal max a exobnámál jún jant'oj o jawakits an úw xi kin tejwa'medha abal a kwa'al an exobintaláb abal ka beldha' alwa' an t'ojláb.

## DHUCHANTALÁB

An atiklábchik in wit'al ka dhuchan ti ál an internet in k'al an CEEPAC [www.ceepacslp.org.mx](http://www.ceepacslp.org.mx) ne'ets kin yejenchij jún i correo electrónico xi pél in k'al ani in eyendhal abal ki wit'a ka otsits.

Kit otsits ka met'a an kanixtaláb ti al an [www.ceepacslp.org.mx](http://www.ceepacslp.org.mx) o kit kawin ti al an ts'áj kawintaláb **4448332470**, ka konoy kit wat'banchat an jolataláb **111, 112** ani **114**, ani jayétsj a wit'al ti celular \_\_\_\_\_

Ka t'ila' ka met'a max yab it k'wajat dhuchadh ti ál jún i tamkudh mulkunélom tákul éyal ti: <http://actores-politicos.ine.mx/actores-politicos/partidos-politicos/consulta-afiliados/#/>

